

Հ Ա Շ Վ Ե Տ Վ ՈՒ Թ Յ ՈՒ Ն

ԲԱՍԲԱԿԱՇԱՏԻ ԳՅՈՒՂԱՊԵՏԱՐԱՆԻ ԿՈՂՄԻՑ 2011 ԹՎԱԿԱՆԻ 1-ԻՆ ԿԻՍԱՍՅԱԿԻ ԸՆԹԱՑՔՈՒՄ  
ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

*Հարգելի Արթուր Այվազյան.*

Հարգելի համայնքի բնակիչներ, հյուրեր, այսօր Ձեր ներկայությամբ քննարկման կներկայացնեմ Բամբակաշատի գյուղապետի, ավագանու և գյուղապետարանի աշխատակազմի 2011 թվականի հունվարի 1-ից մինչև հունիսի 30-ը կատարած աշխատանքները:

Գյուղապետարանը՝ համայնքի ղեկավարը իր գործունեությունն իրականացնում է «Տեղական ինքնակառավարման մասին» Հայաստանի Հանրապետության օրենքի պահանջների համաձայն և իր իրավասության շրջանակում ընդունում է որոշումներ, կազմում է արձանագրություններ և արձակում կարգադրություններ:

Բամբակաշատի համայնքն իրենից ներկայացնում է 800 առանձին տնտեսություն, որի բնակչության թիվը կազմում է 3800 մարդ, ընտրողների թիվը կազմում է 2500, վարչական տարածքը կազմում է ընդամենը 979.7 հա, գյուղատնտեսական նպատակային նշանակության՝ 608.0 հա, որից չի մշակվել 125.0 հա: 2011 թվականի գարնանը մշակվել է 483.0 հա:

Համայնքում հիմնականում զբաղվում են բոստան-բանջարանոցային կուլտուրաների մշակությամբ և խաղողագործությամբ, ինչու չէ նաև պտղաբուծությամբ:

ԸՍՏ ԲՆԱԳԱՎԱՌՆԵՐԻ ԿԱՏԱՐՎԵԼ ԵՆ՝

Սահմանված կարգով կազմակերպվել է գույքահարկի և հողի հարկի գանձումները: Գույքահարկի գանձումը տարեկան կտրվածքով նախատեսվել է 6337.0 հազար դրամ, 1-ին կիսամյակում՝ 2450.0 հազար դրամ, փաստացի գանձվել է 462.0 հազար դրամ, որը կազմում է 18.9% : Հողի հարկի տարեկան նախատեսվել է 14791.0 հազար դրամ, 1-ին կիսամյակում՝ 5000.0 հազար դրամ, փաստացի գանձվել է 2311.9 հազար դրամ, որը կազմում է 46.2 %-ով: Պլանով նախատեսված այլ եկամուտները /ոչ հարկային եկամուտներ/- 1.566.8 հազար դրամ, 1-ին կիսամյակում՝ 650.0 հազար դրամ, փաստացի գանձվել է 477.5 հազար դրամ, որը կազմում է 73.46 %-ով, համայնքի սեփ. հանդիսացող վարձակալություն 1834.8 հազար դրամ , 1-ին կիսամյակում՝ 500.0 հազար դրամ, փաստացի գանձվել է 0 դրամ, տեղական տուրքեր նախատեսվել է 665.0 հազար դրամ, 1-ին կիսամյակում՝ 250.0 հազար դրամ, փաստացի գանձվել է 25.0 հազար դրամ, որը կազմում է 10 %-ով: Պետության կողմից ստացված դոտացիան կատարվել է 50%, կիսամյակային կատարողականը 2010 թվականի դրությամբ կազմում է 37.5%:

ԿՐԹՈՒԹՅԱՆ, ՄՇԱԿՈՒԹԹԻ ԵՎ ԵՐԻՏԱՍԱՐԴՈՒԹՅԱՆ ՀԵՏ ՏԱՐԿՈՂ ԱՇԽԱՏԱՆՔՆԵՐԻ ԲՆԱԳԱՎԱՌՈՒՄ

Այս բնագավառում համայնքի ղեկավարը իրականացնում է հետևյալ պարտադիր լիազորությունը.

1. կազմակերպում և կառավարում է համայնքի ենթակայության դպրոցի, ակումբի, գրադարանի գործունեությունը, դրանց շահագործման և նորոգման աշխատանքները,
2. կազմակերպում է Հայաստանի Հանրապետության տոների և հիշատակի օրերի հետ կապված միջոցառումները:

ՊԱՇՏՊԱՆՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարը պաշտպանության բնագավառում իրականացնում է հետևյալ կամավոր լիազորությունները.

1. կազմակերպվել է համայնքում զինապարտի հասակի երիտասարդների հավաքագրում գարնան զորահավաքին,
2. մայիսի 9-ի կապակցությամբ հայրենական պատերազմի մասնակից վետերաններին տրամադրել է դրամական օգնություն,

3. Հանրապետության տոնի առթիվ մայիսի 28-ին կազմակերպել է միջոցառում,
4. 2011 թվականի ընթացքում համայնքում մահացածների շիրիմների համար գնել է ծաղկեպսակներ:

#### ԱՇԽԱՏԱՆՔԻ ԵՎ ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարն աշխատանքի և սոցիալական ծառայության բնագավառում իրականացնում է պետության պատվիրակած հետևյալ լիազորությունները, և իրականացնում է հետևյալ կամավոր լիազորությունը.

1. նպաստում է նոր աշխատատեղերի ստեղծմանը, կազմակերպում է վճարովի հասարակական աշխատանքները
2. միջոցներ է ձեռնարկում հաշմանդամների, սոցիալապես անապահով ընտանիքների սոցիալական պայմանների բարելավման ուղղությամբ:

#### ԳՅՈՒՂԱՏՆՏԵՍՈՒԹՅԱՆ ԲՆԱԳԱՎԱՌՈՒՄ

Համայնքի ղեկավարը գյուղատնտեսության բնագավառում իրականացնում է հետևյալ պարտադիր լիազորությունները.

1. կատարում է համայնքային սեփականություն համարվող ոռոգման ցանցերի շահագործում, դրանց շինարարություն և վերանորոգում: Վերանորոգել է ներտնտեսային ոռոգման ցանցը մոտ 0.3 կմ տարածությամբ:
2. կատարում է համայնքի տարածքում ընտանի կենդանիների և թռչունների ամենամյա հաշվառում
3. կազմակերպում է համայնքի տարածքում անասնաբուժական ծառայություն, հակահամաճարակային միջոցառումներ՝ կենդանիների հիվանդությունների կանխման, և այլ աշխատանքներ,
4. աջակցում է գյուղ. մթերքների աշխատանքների իրականացմանը
5. հաշվառել, և վիճակագրական վարչություն է ներկայացրել հունիսյան հաշվետվությունը:
6. 2011 թվականի մայիսի 5-ին համայնքում տեղացած կարկուտի պատճառով վնասվել է գյուղ.մշակաբույսերի 2/3-րդ մասը, որը մեծ վնաս է հասցրել գյուղատնտեսությանը և գյուղացիներին: Կառավարության կողմից ստեղծվել է հատուկ հանձնաժողով ճշտելու տեղում կատարվածը և աջակցել գյուղացուն շուտափույթ ոտքի կանգնելու:

#### ԿՈՄՈՒՆԱԼ ՏՆՏԵՍՈՒԹՅԱՆ ԵՎ ԲԱՐԵԿԱՐԳՄԱՆ ԲՆԱԳԱՎԱՌՈՒՄ

Համայնքի ղեկավարը կոմունալ տնտեսության և բարեկարգման բնագավառում իրականացնում է հետևյալ պարտադիր լիազորությունները.

1. գարնանը կազմակերպել է կենտրոնական ճանապարհների և կից առուների մաքրում
2. ամենամյա կտրվածքով կազմակերպում է աղբաթափման աշխատանքներ,
3. համայնքի գյուղամիջյան փողոցներում կատարվել է ավազապատում:

#### ԱՈՈՂՋԱՊԱՐՈՒԹՅԱՆ, ՖԻԶԻԿԱԿԱՆ ԿՈՒՆՏՐՈՒՄՅԻ ԵՎ ՍՊՈՐՏԻ ԲՆԱԳԱՎԱՌՆԵՐՈՒՄ

Համայնքի ղեկավարը սույն բնագավառներում իրականացնում է հետևյալ պարտադիր լիազորությունները.

1. մշտապես հետևում և աջակցում է սանիտարական վիճակի բարելավմանը
2. աջակցում է առողջապահական, հակահամաճարակային միջոցառումների իրականացմանը:

ՀԱՄԱՅՆՔԻ ՀԻՄՆԱԽՆԴԻՐՆԵՐԸ

1. Ոռոգման ներտնտեսային ցանցը շուրջ 2.5 կմ տարածքով վերակառուցման անհրաժեշտություն ունի,
2. Խմելու ջրագիծը, որը կառուցվել է 1961 թվականին, վաղուց հիմնովին վերանորոգելու կարիք ունի:
3. Սանկապարտեզի շենքի վերանորոգում:
4. Մշակույթի տան վերանորոգում:

Համայնքի ղեակավար՝



Ա. Եղիազարյան

